


ALAHADY FAHA 29 MANDAVANTAONA - A



NY ANDRIAMANITSIKA: MIZANA BE TSY MIANGATRA

Ry Kristianina havana, ao anatin'ny volana oktobra, volan'ny mission izany hoe handinhintsika manoka maha EO V MISIONERA antsika ary tsy irery isika fa miaraka amin'I Masina Maria mibanjina ireo mystery mandrafitra ny famonjena antsika. Ao anatin'izany no anaovantsika DEPART VAOVAO hirosoantsika miatrika ity KORONTANAVIRUS ity izay naverintsika mitaky "changement radical" fiovam-penitra mahery vaika. Manantena isika fa ho tena Pantekoty vaovao. ADY sady DIA ny

fiainana ADY amin'izay ratsy manakorontana sy manapotika DIA mitondra antsika amin'ny fiainana. Fantaro hoy ny Papa François eo anatrahan'izao krizy mafy dia iray alahany na resy io korontana raha mahay miray hina isika na rendrika isika raha samy mandeha samy mitady (io no andikako ny tenin'I Papa tamin'ny audience Générale tamin'ny 23 septembre : soit nous travaillons ensemble pour sortir de la crise, soit nous n'en

sortirons ensemble). Io no velabelarany ao amin'ny Taratasy Encyclique "Mianadahy Jiaby isika... : Tutti Fratelli.... Tsy ho tanteraka izany raha tsy miova ny fontsika. Io indrindra no tain'ireo tenin'Andriamanitra amintsika amin'izao alahady faha 29 mandavantaona. Mitaky SAFIDY avy amintsika. Tsy ho hisy anefa izany safidy izany raha tsy folakevitra isika, tsy maintsy convaincus isika. Tsy afaka hisabaka isika, tsy afaka hanompo tompo roa. Io conviction io no afahantsika mametraka izay hitantsika ho soatoavina mandrafitra ny fiainana. Io no ady sy dia. Tsy maintsy misy safidy

Vakiteny I : Iz. 45, 1. 4-6

Tononkira : Salamo 95

Vakiteny II : 1 Tes. 1, 1-5b

Evanjely : Mt. 22, 15-21

ataontsika raha tsy izany dia rendrika isika, mety ho revo tanteraka ao anatin'izany Ady izany ka tsy ho tody amin'ny tiansika aleha dia ny fiainana mandrakizay.

Ny vakiteny voalohany ao amin'ny bokin'Izaia mpaminany dia mananatra antsika tokoa amin'izao fiainana sarotra diavintsika izao, amin'izao KORONTANAVIRUS izao. Raha tsiahivina io vakiteny io dia manambara fa mbola tany an-tsesitany ny vahoaka Israely izany hoe vahoaka mitovy amintsika kara isika niatrika zavatra manahirana sy sarotra, fantantsika fa raha atao hoe sesitany dia midika fa lavitra ny tany fiaviana sy ny fiainana mahazatra ka maro ny zavatra tsy maintsy atrehina sy manahirana. Matetika I Papa François miresaka mikasika ireo mpitsao-ponenana. Miantso antsika ao amin'ny taratasiny Ansiklika hahay handray azy ireo satria rahalahy sy anabavy fa tsy sanatria hahilikilaka.

Mampahatsiahy antsika ny vanim-potoana iainantsika izao izany na dia tsy mpitsaoponena isika fa ity KORONTANAVIRUS mahatonga antsika ho very fanahy mbola velona, very repère kara ireo mpitsao-ponena. Tamin'ny fotoana sarotra naha voa sesitany no nambaran'Andriamanitra tamin'ny vahoaka Israely Andriamanitra fa hanangona sy hanorina indray an'I Jerosalema vaovao sy ny Tempoly izy ka i Sirosoy mpanjakan'ny Persa no fitaovana nentiny nanantanterahana an'izany. Azo lazaina izany fa faminiana io ary ao aminy no nahazoan'ny vahoaka famonjena tamin'izay. Ao amin'i Jesoa no tanteraka manontolo io faminanina io satria Izy no famonjena manafaka antsika amin'izay fatopatotra rehetra manjo sy mangeja antsika fa indrindra ity KORONTANAVIRUS ITY. Matetika isika no milaza fa tsy KORONTANAVIRUS no faran-teny fa i Kristy Tenin'Andriamanitra no Alpha sy Omega.

I Sirosoy dia fitaovana tamin'izay, isika koa amin'izao vanim-potoana iainantsika izao, araky ny averimberintsika, dia mila vavolombelona, mila mpitarika ny olona amin'izao satria efa tsy misy "repère" intsony tahaka an'ireo olona voan'ny sesitany tamin'izay, very ny soatoavina.

Isika vita batemy no Kristy mpiara-belona amin'ny olona amin'izao andro iainantsika izao ka anjarantsika àry ny mitondra ny fanantenana, mitondra ny fitiavana, mitondra ny finoana eo anivon'ny mpiara-belona amintsika. Izany indrindra no ilaina safidy mazava tsara mba hahatonga tokoa ho EOV MISIONERA VITA BATEMY KA IRAHINA HO TABERNAKLA VELONA. Izaon'ny mission izao no manery antsika hivelona ny maha-eov misionera antsika. Mitaky safidy mitondra antsika hanana conviction izany hoe tsy mpanjinfa, consommateur fa ho acteur manorina Eglizy Tranomben'Andriamanitra ka hahatonga antsika araka ny hafatr'i Papa "ho Mpianadahy", ho "Olo Araiky", ho "FIANAKAVIAM-BEN'ANDRIAMANITRA" Izay no mahatonga antsika mametraka ny pastôralintsika any amin'ny fototra mba ho tena "départ vaovao" voakatr'izay safidy sy izay conviction miainga amin'ny fianakaviana eglizy kely ka amin'izao telo volana voalohany izao dia ny eglizy kely mivavaka sy mandalim-pinoana ka ny Fianakaviana Masina no modely amin'izany. Fantasika koa fa ny fianakaviana no tena mizaka ny tsy eran'ny ainy amin'izao krizy izao.

Ny Evanjely dia milaza ireo Farisianina sy Herodiana izay nitady hamandrika sy hamitapitaka an'i Jesoa : izay ihany koa no mianjady amintsika, izay ny làlam-piainantsika, izay koa no anjarantsika raha mijoro ho EOV MISIONERA VITA BATEMY KA IRAHINA HO TABERNAKLA VELONA, ho Kristy Mpiara-belona amin'ny olona isika. Matetika rehefa mijoro ho vavolombelona isika eo amin'ny fiainantsika andavanandro dia tsy maintsy misafidy. Fantantsika tsara ny nahazo an'i Lucien

Botovasoa izay modely sady mpivavaka ho antsika, izy ihany koa dia nasaina nisafidy tahaka an'i Jesoa izay voasoratra amin'ny Evanjely androany raha nitady hamandrika azy ireo farisianina. I Jesoa mahalala ny faharatsian'izy ireo mpihatsaravelatsihy ireo ary nolazainy mazava : *“Ry mpihatsaravelatsihy, nahoana ianareo no maka fanahy Ahy? Asehoy ahy ny farantsa kely fandoa amin'ny hetra . Dia nanehoany denie iray Izy. Ary hoy i Jesoa taminy: “Sarin'iza, sy anaran'iza ity?” Hoy ireo hoe: “An'i Sezara”. Ka hoy Izy: “Raha izany àry, dia aloavy ho an'i Sezara izay an'i Sezara, ary ho an'Andriamanitra izay an'Andriamanitra”.*

Izany indrindra ry Kristianina havana, tian'i Jesoa ho tsapan'ireo mpanadihady sy ho tsapantsika tokoa ny safidy tsy maintsy atao. Tsy tian' i Jesoa ny manao fampianarana lava fa ireo manadihady azy no tiany mamaly ny fanontaniana apetrak'izy ireo. Tsy iza moa i Sezara voalaza io fa izy no endrik'izao tontolo izao. Iza no endriky ny lojikan'izao tontoloa izao izay lazaintsika matetika.

Ry Kristianina havana ny fototry ny fampianarana amin'izao Alahady faha-29 mandavantaona izao dia ny fanontaniana hoe : iza no fidintsika, iza no manentana ny fiainantsika, ary hevitr'iza no arahintsika eo amin'ny fiainantsika andavanandro, ny hevitr'izao tontolo izao ve sa Andriamanitra ? Dia ambaran'i Jesoa amin'io hevitra sy amin'ny fampianarana io ny tiany ambara amin'ny hoe iza no arahintsika eo amin'ny fiainantsika andavanandro. Iza no tompointsika satria izay tompoina no andoavana “hetra.”Hetra midika fanompoana, fahafoizana. Afoizintsika ho antsika ny fiainantsika?

Fantantsika ny ambarany hoe : "Ataovy an'i Sezara izay an'i Sezara" izany hoe fanatanterahana ny hevitr'izao tontolo izao : ny fitiavan-tena, ny fanangonan-karena, tsy misy fitsimbinana ny hafa fa fanilikilihana ny hafa. Izay no mahatonga ny fanapotehana eo amin'ny fiaraha-monina satria mihevtira ny tena fotsiny fa tsy mitsinjo ny hafa noho ny hetraketraka. Fanapotehana noho ny fialonana sy ny fitiavan-tena ary ny avonavona, izany no hevitra ny hoe “an'i Sezara”. Izany indrindra no tsy maintsy hahazantsika misafidy mazava raha tiantsika ho taranaka manorina, ho génération mpanorina isika hoy isika fa tsy mpanapotika. Mila fiovam-penitra mahery vaika, mila “changement radical” , hoy ny Papa mba ho tonga amin'ny tena fifampitsimbinana mivelana ny firahalahiana marina arak any fampianarana ao amin'ny Antsikilika nosoratina farany teo

Raha tiantsika ho tanteraka izany dia aoka ho an'Andriamanitra ny fiainantsika izany hoe hampanjaka ny marina.

Asehon'ny vakiteny voalohany fa antson'Andriamanitra isika tahaka Siriosy ho fitaovana hampanjaka ny marina isika. Ny manapotika ny fiainantsika amin'izao tontolo izao dia noho ny tsy fisian'ny fahamarinana intsony fa fampanjakana ny hevitra ny tena, ary hita fa normaly ho an'ny maro izany. Iza no Krizy izao, ity korontanavirus no tena mampibaribary io toe panahy io ka mila fibebahana marina tokoa. Izany no mahatonga antsika nanantitrantatra tamin'ny fankalazana ny JMJ sy tamin'ny filankevitra pastôraly ary indrindra amin'izao fanombohan'ny taom-pâstôraly vaovao izao fa tena mila “depart vaovao” isika tanteraka izany raha mivelona ireo hafatra na tamin'ny JMJ isika dia ny fanahy no maha olona : "Sambatra ny malemy fanahy fa handova ny tany izy".

Matoa ny tany, izany hoe ny tranobe iombonantsika ity izay manomboka amin'ny fianakaviana, ny eglizy kely, ny fiaraha monina, io tranobe io no potika dia satria ny hevitr'i Sezara, ny hevitr'izao tontolo izao no ampanjakaintsika.

Aoka hihavao isika ka hanorina Eglizy marina tokoa. Fanorenanana Eglizy Olona Velona Misionera vita batemy ka irahiana ho tabernakla velona. Ao anatin'ny fahamarinana, fifankatiavana no hanatanterahana izan isanandro. Olompinoana isika ka nisafidy an'I Kristy, ka na dia mafy azy nisedra afitsik'izao tontolo izao dia entanin'ny fitiavan'I Kristy ary feno fanantenana ka matoky handresy na dia ity koronavirus ka hampijoro tontolo iainana

Ampianarin'i Md Paoly amintsika amin'ny vakiteny faharoa fa raha io fanantenana io no banjinintsika dia aoka hiara-mitalaho ny fahasoavan'Andriamanitra isika. Nitalaho ho azy ireo i Md Paoly nanao hoe : "*ho aminareo anie ny fahasoavana amam-piadanana.*"

Ilay fiarahabana apostolika dia manambara ny fahafahantsika miombona hatrany amin'Andriamanitra mba hanjaka eo anivontsika ny fiadanana sy ny fifankatiavana. Nasongadin'i Md Paoly amin'ny fomba fiteniny fa tsy mba mizahozaho izy fa miara-misaotra an'Andriamanitra.

Izany koa no amaranantsika ny fandalinam-pinoana ataontsika izao ka hahatonga antsika ho Kristy mpiara belona amin'olona, ny fahaizantsika koa misaotra an'Andriamanitra eo amin'ny zava-misy iainantsika andavanandro. Mahaiza misaotra an'Andriamanitra isika satria avy Aminy ny loharanon'ny soa rehetra eo anivontsika.

Matetika hadinontsika izany satria ny hevitr'izao tontolo izao no manjaka ka tsy mahatsiaro mivavaka intsony isika. Izany no ampianarin'i Masina Maria antsika amin'izao volana oktobra volan'ny raozery izao mba hahay hibanjina sy hisaotra an'Andriamanitra isika eo amin'ny fiainantsika andavanandro. Aza manadino ny essentiel isika izany hoe ny maha-izy aza ny fiainana dia ny fiombonana amin'Andriamanitra. Izay no dikan'ny Rozery ibanjantsika miaraka amin'i Masina Maria ireo misterim-pamonjena rehetra.

Ry Jesoa Tompo ô, mifanjevo sy misavoritaka ny zava-misy eo amin'ny fiainanay andavanandro, ny fahefana ara-nofo no matetika manjakazaka eo aminay ka very fanahy mbola velona izahay. Mitalaho aminao izahay, ampio hatoky ny fahendrena atolotrao ka handray izany, mba hahay hiaramiaina izahay. Entinay am-bavaka ireo mpitondra anay mba ho ny fanahy maha-olona tokoa no entiny manatanteraka ny adidiny ka hikatsaka ny soa iombonana izy ireo mba hahafahan'ny vahoaka hiaina ao amin'ny fiadanan'i Kristy.

Ry Jesoa Tompo ô, hainao ny nanazava tamin'ireo izay mitady hamitapitaka Anao. Koa ampianaro izahay eo amin'ny fiainana andavanandro hahay hijoro ho tena vavolombelona, ho Kristy mpiara-belona amin'olona tokoa izahay ka afaka mitondra ny tena fahamarinana, ny tena fifankatiavana, hahay hampitraotro ny finoana sy ny fiainana andavanandro izahay ka hitondra izay tena fihavanana marina. Ho hainay tokoa ny manavaka izay ho entinay hanompoana Anao sy hikatsahana ny soa iombonana ao amin'ny fiadananao.

Ry Masina Maria Reninay mitodika aminao izahay. Mivavahà ho anay mba homatotra mandrakariva ny safidy dia ho "eny" miaraka aminao ny fiainanay ka handresy ny fitak'izao tontolo izahay. Amen

Mompera Arserveka Mgr Benjamin Ramarosan